



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-1/21-3-40-064-4/26**

Datum: **13.03.2026. godine**

«Agencija za vodno područje rijeke Save» Sarajevo rješavajući po zahtjevu Šiljić (Mustafa) Amela za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada gospodarskog objekta – farma za tov bikova i muznih krava u naselju Lukavica Rijeka, općina Doboj Istok, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06 i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

### **R J E Š E N J E** **o vodnoj dozvoli**

1. Šiljić (Mustafa) Amelu daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada gospodarskog objekta – farma za tov bikova i muznih krava izgrađenog u naselju Lukavica Rijeka na zemljištu označenom kao k.č. broj: 966/8 K.O. Lukavica Rijeka, općina Doboj Istok.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji predmetnog objekta i uz sljedeće uslove:
  - 2.1. Da se upotreba i korištenje predmetnog objekta Farme za tov bikova i muznih krava u naselju Lukavica Rijeka, općina Doboj Istok vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
  - 2.2. Da se objekti čija je svrha prikupljanje i odvodnja otpadnih voda nastalih u postupku povremenog pranja i čišćenja objekta redovno održavaju i koriste na način koji će obezbijediti njihovu potpunu ispravnost i funkcionalnost.
  - 2.3. Da se privremeno i trajno zbrinjavanje otpada od uginulih životinja i drugih nusproizvoda vrši u skladu sa Zakonom o veterinarstvu, Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša, a u cilju zaštite voda, tla, zraka i dr.
  - 2.4. Da se spriječi nekontrolisano rasipanje tečnog i krutog otpada po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite izvorišta vode za piće, a u cilju zaštite površinskih i podzemnih voda.
  - 2.5. Da se obavezno praktikuje suho čišćenje objekta prije pranja vodom, da bi se uklonile organske nečistoće sa radnih površina, trošilo manje vode za pranje i time smanjilo zagađenje u otpadnim vodama.
  - 2.6. Čišćenje i pražnjenje vodonepropusne sabirne/osočne jame bez preliva može vršiti isključivo firma ovlaštena za tu vrstu djelatnosti, prema posebnom ugovoru.
  - 2.7. Vlasnik odnosno korisnik objekta je obavezan pridržavati se svih mjera i uslova, propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
  - 2.8. Ne dozvoljava se odlaganje na otvorenom prostoru i unošenje opasnog i neopasnog otpada, koji nastaje kao nus produkt u procesu rada farme, u vodotoke i obale rijeka.
3. Vlasnik, odnosno korisnik predmetnog objekta farme je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijentata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.

5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik predmetnog objekta farme obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu farme obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta farme dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) i 129. Zakona o vodama, se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

### **O b r a z l o ž e n j e**

Od strane Šiljić (Mustafa) Amela iz naselja Lukavica Rijeka, općina Doboj Istok, podnesen je ovoj Agenciji dana 17.02.2026. godine zahtjev za donošenje rješenja o vodnoj dozvoli za gospodarski objekat – farma za uzgoj 30 bikova i 10 muznih krava, na zemljištu označenom kao k.č. broj 966/8 K.O. Lukavica Rijeka, općina Doboj Istok, a u postupku ishodovanja odobrenja za upotrebu.

U provedenom postupku dostavljena je i pregledana sljedeća dokumentacija:

- Ovjerena kopija lične karte Šiljić (Mustafa) Amel,
- Ovjerena kopija Rješenja o vodnoj saglasnosti broj: UP-1/21-2-40-503-2/25 izdatog dana 08.12.2025. godine od strane «Agencije za vodno područje rijeke Save» Sarajevo,
- Ovjerena kopija Rješenja o naknadnom odobrenju za građenje broj: UP-I-05-19-776/25 izdatog dana 14.01.2026. godine od strane Službe za prostorno uređenje Općine Doboj Istok,
- Kopija Rješenja o veterinarsko-zdravstvenoj saglasnosti na lokaciju i projektnu dokumentaciju za izgradnju objekta farme broj: 04/1-18-20-032215-2/25 izdatog dana 03.10.2025. godine od strane Ministarstva poljoprivrede, šumarstva i vodoprivrede Tuzlanskog kantona,
- Ovjerena kopija Rješenja o obavljanju poljoprivredne djelatnosti broj: UP-I-03-20-694/23 izdatog dana 18.12.2023. godine od strane Službe za poduzetništvo i finansije Općine Doboj Istok,
- Kopija Zapisnika o tehničkom pregledu objekta sačinjenog dana 09.02.2026. godine te potpisanog od strane članova komisije imenovane Rješenjem broj: UP-I-05-19-11/26 izdatog dana 06.02.2026. godine od strane Službe za prostorno uređenje Općine Doboj Istok,
- Glavni projekat ispuštanja tehnoloških otpadnih voda u okviru rada gospodarskog objekta – Farma za tov bikova i muznih krava Investitora Šiljić Amel, Lukavica Rijeka, općina Doboj Istok urađen od «ATRIUS PROJEKT» d.o.o. Živinice (broj: I-277-11/25, novembar 2025. godine),
- Revizija glavnog projekta urađena od strane «TZI-INŽINJERING» d.o.o. Sarajevo (broj: 627/2025, novembar 2025. godine),
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta farme u naselju Lukavica Rijeka, općina Doboj Istok i tom prilikom je sačinjen Zapisnik o uviđaju broj: UP-1/21-3-40-064-3/26 od 05.03.2026. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Predmetni gospodarski objekat - farma za uzgoj bikova i muznih krava izgrađen je u naselju Lukavica Rijeka, na zemljištu označenom kao k.č. broj 966/8 K.O. Lukavica Rijeka, općina Doboj Istok, u neposrednoj blizini stambenog objekta u vlasništvu podnosioca zahtjeva.

Predviđeni kapacitet uzgoja je 30 bikova i 10 muznih krava. U sklopu farme izgrađena su dva prizemna objekta za smještaj životinja.

Snabdijevanje vodom obezbijeđeno je sa gradskog vodovodnog sistema kojim upravlja JKP «ČISTO» d.o.o. Doboj Istok. Unutar objekta farme nije predviđen sanitarni čvor.

Kruti otpad (prostirka) i đubrivo se prikuplja u armirano-betonskom odlagalištu do konačne dispozicije na poljoprivredne površine u vlasništvu podnosioca zahtjeva. Osoka se prikuplja u osočnoj jami bez ispusta u koju se prikupljaju i vode od povremenog pranja objekta nakon završenog turnusa uzgoja.

Razmatrajući podneseni zahtjev, na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama člana 115 do 118. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata.

Tačka 3. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, Šiljić (Mustafa) Amel iz Doboj Istoka ispunio minimum uslova za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta Farme za tov bikova i muznih krava u naselju Lukavica Rijeka, općina Doboj Istok, te je riješeno kao u dispozitivu ovog Rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog kompleksa objekata utvrđene su obaveze u tački 5. dispozitiva ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-064-2/26 od 04.03.2026. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

### Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.inž.grad.

Po ovlaštenju

Rukovodilac Sektora za izdavanje vodnih akata



Nihad Pezo, dipl.inž.grad.

Dostaviti:

- Šiljić (Mustafa) Amel  
ul Branilaca broj 104, Lukavica Rijeka, 74207 Doboj Istok
- ⊖ AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava